

Broj: 05-40-4-602/2024
Sarajevo, 17. 1. 2025. godine

PARLAMENT FEDERACIJE BOSNE I HERCEGOVINE
ZASTUPNIČKI DOM
n/r Predsjedatelja

Hamdije Kreševljakovića 3.
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 21-01-2025			
Org. jed.	Broj	Priloga	Vrijednost
05/1	-02-	674	124

PREDMET: Odgovor na zastupničko pitanje Melike Mahmutbegović, *dostavlja se –*

Veza: - akt Vlade Federacije Bosne i Hercegovine broj: 03-04-2005-5/2024 od 25.12.2024. god.
- akt Zastupničkog doma Parlamenta Federacije Bosne i Hercegovine broj: 05/1-02-674/24 od 20. 12. 2024. godine.

Federalnoj upravi civilne zaštite preko Vlade Federacije Bosne i Hercegovine dostavljeno je zastupničko pitanje zastupnice Melike Mahmutbegović, broj i datum navedenim u vezi, koje je postavljeno na 16. redovitoj sjednici Zastupničkog doma Parlamenta Federacije Bosne i Hercegovine, održanoj 18.12.2024. godine, a vezano za problem klizišta u Općini Fojnica.

Federalni stožer civilne zaštite je dana 6. 10. 2024. godine donio naredbu broj: 12-04-3-432-21/24 kojom je naređeno Inženjerskoj komori Federacije BiH da organizira angažiranje tima inženjera građevinske i geološke struke u cilju prikupljanja podataka i davanje stručnih mišljenja o oštećenim putevima, klizištima i drugim građevinskim objektima čije oštećenje je nastalo uslijed poplava i klizišta, a Federalnoj upravi civilne zaštite da koordinira aktivnosti prijevoza organiziranog tima do ugroženog područja. Inženjerski tim je zadužen da sačini detaljno izvješće s prijedlogom mjera i dostavi Federalnom stožeru civilne zaštite.

Sukladno navedenom, ugroženo područje u općini Fojnica, posjetili su inženjeri građevine i geologije, te sačinili sljedeća izvješća:

- Izvješće o terenskom obilasku Bakovići – Gojevići - Dusina, pri čemu su promatrani sljedeći lokaliteti: most u Prajama (naselje Praje); korito rijeke Željeznice (kanjon rijeke Željeznice (Gojevići – Dusina)) i most u naselju Gojevići (kanjon rijeke Željeznice (Gojevići – Dusina)), pri čemu je od strane građevinskih inženjera dat prijedlog privremenih mjera, prijedlog trajne sanacije, stupanj ugroženosti i tip potrebnog monitoringa.
- Izvješće o terenskom obilasku rijek Željeznice (Bakovići – Gojevići – Dusina), pri čemu su promatrani sljedeći lokaliteti: dio toka rijeke Željeznice cca 900 m od mosta u naselju Praje (cca 900 m uz tok rijeke Željeznice od mosta u naselju Praje); dio toka potoka Brložnjak kroz naselje Dusinu; Korito rijeke Željeznice duž oštećenog AB zida na putu R437 Fojnica – Dusina, dionica Gojevići – Dusina; rijeka Željeznica u naselju Luke; rijeka Željeznica šire

područje naselja Gojevići i most na M5 (spoj rijeke Željeznice i rijeke Dragače), pri čemu je od strane građevinskih inženjera dat prijedlog privremenih mjera, prijedlog trajne sanacije, stupanj ugroženosti i tip potrebnog monitoringa.

- Katastarski list nestabilnog lokaliteta za sljedeće promatrane lokalitete: dva mala klizišta u naselju Dusina zaseok Fejzići; klizište u gradu Fojnica – rijeka Dragoča; klizište u Gojevićima - naselje Gojevići; korito rijeke Željeznice (obrušeni potporni zidovi)-kanjon rijeke Željeznice (Gojevići-Dusina); nestabilni stijenski blok - ulaz u kanjon rijeke Željeznice (Gojevići-Dusina); most Praje - naselje Dusina; i dva klizišta u naselju Dusina zaseok Fejzići (posljedica vještačkog zasijecanja i padalina), pri čemu su date koordinate nestabilnog lokaliteta, približna dužina, širina i dubina klizišta, opis geološke sredine, opis klizišta, zatečeno stanje, hazard klizanja, rizik klizišta, kao i prijedlog preventivnih mjera, prijedlog za trajne sanaciju, stupanj ugroženosti i tip potrebnog monitoringa dati.

Pored navedenoga, prema podacima općinske službe civilne zaštite Općine Fojnica stanje s klizištima na području općine je sljedeće:

- dva mala klizišta u naselju Dusina (zaseok Fejzići): prema strukturi i veličini radilo se o površinskom klizanju pod utjecajem atmosferskih padalina s niskim do srednjim procijenjenim stupnjem ugroženosti stanovništva i infrastrukture. *Navedena klizišta su sanirana odvozom odronjenog materijala što je realizirano angažiranjem snaga civilne zaštite.*
- klizište u naselju Dusina (zaseok Fejzići): prema strukturi i veličini radilo se o površinskom klizanju pod utjecajem atmosferskih padalina, trenutačnom aktivnošću klizišta objekt ispod klizišta nije narušen. U slučaju novih padalina pokrenuto klizište bi se aktiviralo i proširilo rizik klizišta. *Navedeno klizište je djelomično sanirano strojnim formiranjem škarpe prebacivanjem viška materijala na donju stranu vlasnika parcele, jer pristup lokalitetu za kamione nije moguć kako bi se izvršio odveo prikupljenog materijala. Navedene aktivnosti realizirane su angažiranjem snaga civilne zaštite.*
- Klizište u naselju Dusina (zaseok Fejzići): prema strukturi i veličini radi se o površinskom klizanju pod utjecajem atmosferskih padalina uvjetovano vještačkim zasijecanjem, jer je vlasnik parcele zasjekao padinu bez osiguranja s ciljem proširenja parkinga i tovarnog prostora. U slučaju nastavka procesa klizanja ugrožena su dva pomoćna objekta, asfaltirana cesta i dva stambena objekta ispod zone klizišta (ispod ceste). *Vlasniku je usmeno naloženo (s obzirom na to da je sam prouzrokovao situaciju) da žurno uradi sistem površinskih procjednih kanala i iste kanališe do potoka recipijenta (kanal, potok isl.), te kao trajno rješenje da ukloni dio pokrenute mase i zaspje (podupre) krupnim kamenim zasipom (sve do vrha čela klizišta) uz adekvatnu površinsku odvodnju.*
- Nestabilni stijenski blok na RC 437 Fojnica – Ostrožac: stijenski blok većih dimenzija teži da ispadne iz svog ležišta pri čemu može doći do ugrožavanja sigurnosti u prometu, trusna aktivnost ili nova padalina može prouzrokovati obrušavanje ovog bloka. Procijenjeni stupanj ugroženosti stanovništva i infrastrukture je visok, ugroženi pješaci i sudionici u prometu. *Direkcija za ceste Busovača u čijoj se nadležnosti nalazi upravljanje RC/P na području Općine Fojnica i koja je vršila radove zasijecanja predmetnog*

stijenskog bloka prilikom radova proširenja navedenog cestovnog pravca je pismeno i usmeno informirana o stanju na terenu. Nije poznato je li upravitelj regionalnih cesta izvršio mjere sanacije, do ovog trenutka.

- Klizište u Gojevićima, naselje Luke: prema strukturi i veličini radi se o površinskom klizanju pod utjecajem atmosferskih padalina uvjetovano padinskim oborinskim vodama. U slučaju nastavka procesa klizanja nisu ugroženi objekti s obzirom na to da je u nožici klizišta (padine) relativno otvorena nenaseljena i neizgrađena dolina. Procijenjeni stupanj ugroženosti stanovništva i infrastrukture je nizak jer nema objekata koji su ugroženi aktivnošću klizišta, te je potrebno poduzeti sanacione mjere ali ne zahtijeva se žurna sanacija.

S poštovanjem.



Dostavljeno:

- Naslovu,
- Vlada Federacije Bosne i Hercegovine, na znanje
- a/a.